

MEMO YA THONNGO YA DITHO TSE TLA SEBETSA BOTONG YA DIPUO TSOHLE TSA AFORIKABORWA (PanSALB)

Boto ya Dipuo tsohle tsa Afrikaborwa (PanSALB) e thehilwe ho latela Molao wa Boto ya Dipuo tsohle tsa Afrikaborwa wa 1995 (molao wa No. 59 wa 1995). Sepheo sa Boto ke ho lekola le ho hlahloba ho kenngwa tshebetsong dipuo tse ngata le ho phahamisa le ntshetsopele ya dipuo tse neng di qheletswe ka thoko nakong e fetileng.

Letona le Bonono le Botjhaba, ka ho ikamahanya le karolo ya 5(3) (a) wa Molao wa PanSALB, le etsa pitso ho ditho tse lekaleng la dipuo le ho setjhaba ka kakaretso ho thonya batho ba tla sebetsa e le ditho Botong.

Bathonngwa ba lokela ho ba baahi ba Afrikaborwa mme ba lokela ho ba le tsebo e batsi le bokgoni lekaleng la puo mme e tla ba batho ba nang le boemedi bo hlokehang ba basebedise ba dipuo tsa molao mme ba be le tsebo ya dintlha tsohle tse amanang le puo. Ho kgothaletswa hore bathonngwa e be batho ba nang le boitsebelo ba molao, tsamaiso ya ditjhelete, puso kgwebong le bokgoni bofe kapa bofe bo tla thusa Boto ho phethahatsa boikarabelo ba yona ba molao.

Motho ofe kapa ofe ya lakatsang ho thonya batho ba tla sebetsa e le ditho tsa Boto ya Dipuo tsohle tsa Afrikaborwa ba lokela ho romela tse latelang:

- a) Lengolo le nang le mabitso ka botlalo, aterese le dinomoro tsa mohala tsa mothonngwa mme ho fanwe ka mabaka a ho thonya motho eo;
- b) CV ya mothonngwa e sa tswa ntlafatswa, ho kenyeletswa dipaki tse tharo tseo ho ka buisanwang le tsona;
- c) Tlhaloso e kgutshwanyane e saennweng ke mothonngwa moo a hlalosang hore hobaneng a tshwanelwa ke ho kgethwa.

Dithonyo di lokela ho fihla Komiting ya Nakwana ya PanSALB Nominations Lebokose la Poraevete X897 Pretoria 0001 kapa di ka romelwa ka imeili ho pansalbnominations@dac.gov.za. Letsatsi la ho qetela la ho romela dithonyo ke 21 Phato 2016.

Motho eo ho ka buisanwang le yena: Mong. Sibusiso Tsanyane ho 012 4413492